



ICYEMEZO CY'URUKIKO RUKURU, URUGEREKO RWIHARIYE RUBURANISHA IBYAHA MPUZAMAHANGA N'IBYAMBUKA IMBIBI, GITEGEKA UWIHISHE UBUTABERA KWITABA URUKIKO MU RUBANZA N° RP 00022/2019/HC/HCCIC.

URUKIKO:

Rumaze kubona ikirego Ubushinjacyahamo burega SEBUTIMBIRI Faustin, RWABIGWI Zephane na BAMPIGIRE Samuel alias KINYANGE ibyaha by'iterabwoba mu rubanza n° RP 00022/2019/HC/HCCIC;

Rumaze kubona ko SEBUTIMBIRI Faustin na RWABIGWI Zephane barezwe nk'abatorotse ubutabera nk'uko bigaragazwa n'inyandiko ikubiyemo ikirego ndetse n'uburyo Ubushinjacyaha bwabisobanuye mu iburanisha ryo kuwa 15/12/2021;

Rushingiye ku ngingo ya 160 n'ya 161 z'itegeko n° 027/2019 ryo ku wa 19/09/2019 ryerekeye imiburanishirize y'imanza z'inshinjabyaha;

Rutegetse SEBUTIMBIRI Faustin na RWABIGWI Zephane kwitaba Urugereko rwihariye rw'Urukiko Rukuru ruburanisha ibyaha mpuzamahanga n'ibyaha byambuka imbibi ku kicaro cyarwo kiri i Nyanza, **kuwa 19/01/2022** saa mbiri za mu gitondo (8h00) kugira ngo yiregure ku byaha aregwa, natitaba Urukiko bizafatwa nk'aho yasuzuguye amategeko maze urubanza ruburanishwe adahari;

Rutegetse ko iki cyemezo kimanikwa ahabugenewe ku biro by'Urugereko rwihariye rw'Urukiko Rukuru ruburanisha ibyaha mpuzamahanga n'ibyaha byambuka imbibi mu gihe cy'iminsi umunani (8), kikanatangazwa mu kinyamakuru "IMVAHO NSHYA".

Ni uko Rutegetse kandi rusomeye mu ruhame iki cyemezo kuwa 15/12/2021.

INTEKO:

SE/
NGABIRE Blaise
UMUCAMANZA

SE/
KANYEGERI N.Timothée
PEREZIDA

SE/
NSANZIMANA Fidèle
UMUCAMANZA

SE/
NSENGIMANA Boniface
UMWANDITSI W'URUKIKO



Copy Certified in Conformity with the original
on 16th December 2021 by the Court Registrar
NSENGIMANA Boniface